

PFiNDLA

Nhlayu 2 | Lembe 4 | Dzivamisoko – Mudaxini – Khotavuxika | 2024



Sochangana

Musunguli wa
Mfumu wa KaGaza

Publicidade



SERVIÇOS DE EDIÇÃO E REVISÃO LINGUÍSTICA

Acabe com **embarassos** em-
baraços de escrita em portu-
guês e inglês!

Contrate a "Dumbeka Editores e Consultores, Sociedade Unipessoal, Limitada", abreviadamente "Dumbeka, Lda.", para rever e editar os seus documentos a um incrível preço de 1,00MT por palavra! Garantimos-lhe total confidencialidade e excelente qualidade de serviços.



Edição e revisão
linguística de
correspondência
comercial

Edição e revisão
linguística de documentos
técnicos e científicos

Edição e revisão
linguística de jornais,
revistas e outros
periódicos

Edição e revisão
linguística de teses,
dissertações e
monografias

Assistência na escrita
de qualquer tipo de
documento

DUMBEKA, LDA

Rua de Vunđuça Nº 235,
B. Liberdade, Cidade da
Matola

Celulares: 845188424/
879999269/827194852

Visite www.dumbeka.com
Email: info.dumbeka@gmail.com

Zritu Dzera Muhleli

Hoyohoyo vahlayi va kuzrandzreka va revhixta PFINDLA, ledzinga ni nkongometo wa kubeka xiyandla akubekiseni ni kukuliseni ka lidzrimi dzera Xizronga. Ku nhlayu leyi ya vubidzri hitlhela hibula hi matimu ya Nyingitimuvuxa wa Afrika, laha hikumaka nhenha ya Machangana ya dzana dzera vu19 — Sochangana N'qumayo. Hadumba lesvaku hinkwavu vahlayi va PFINDLA vatanyonxa hi kutiva vudzrunguli lebzigomisiwiki bza hosi leyi.

Xin'wana lexi nhlayu leyi yitaka naxu i matimu lamakatsrakanyiwiki ya matsralela ya Xizronga kusukela kutlula dzana dzera malembe lamahundzriki. Hitavonanyana milawu ya matsralela lamampsha lamatsrimbiwiki ku malembe laya vugamu. Hi ni kudumba ka lesvaku lesvo svi-tapfuna kupumba kukanetana lokuyaka mahlweni hi kusvelisa lidzrimi dzerezru, ledzinga khombzeni dzera kunyamalala loko dzri-ngabekisiwi ha hombe, ngopfu-ngopfu hi kudzritsrala.

Tikholisani!

*Armando A. Magaia,
Muzrangeli ni Muhleli*

VUDZRUNGULI BZA VUGANDLISI:

Vito dzra Revhixta: *Pfindla*

Doropa dzra Vupaluxi: KaMatsrolo

Nhlayu ya Vugandlisi: Ya vu2 ya lembe dzra vu4, Dzivamisoko, Mudaxini, Khotavuxika, 2024 (Tihweti ta 4-6, ta lembe dzra 2024)

N'winyi: Dumbeka Editores & Consultores, SU, Lda.

Muzrangeli ni Muhleli: Armando Adriano Magaia

Vutsrali/Vuhleli/Vubasisi bza tsralwa: Armando A. Magaia; Arlindo A. Magaia; Francisco A. Magaia; Jacob A. Magaia; Leta A. Magaia; Sacadura A. Chilundzo

Muti wa Vutsrali ni Vuzrangeli: Rua de Vundiça Nº 235, B. Liberdade, Matola

Websayti: www.dumbeka.com

Liqunga: (+258) 845188424/
879999269/827194852

WhatsApp/Telegram: (+258)
845188424

Email: info.dumbeka@gmail.com

Vuyaveli: <https://www.xizronga.org/> ni tindlela tin'wana hi mahala

Minkama ya Vugandlisi: Kamune hi lembe

Nhlayu ya Vutsralisi: GABINFO/
DEPC/2021

© Dumbeka Editores & Consultores, Sociedade Unipessoal, Lda.


Xifaniso xa xifuneketo: <https://www.pinterest.com>

Esta publicação está disponível para download gratuito no formato PDF no site <https://www.xizronga.org>. É permitida a reprodução parcial ou total desta publicação, desde que citada a fonte e que não seja para a venda ou qualquer fim comercial.

Tinhlokomhaka

Tluka | 4

Sochangana - Musunguli wa Mfumu wa KaGaza	6
Nkatsrakanyu wa Matimu ya Matsralela ya Xizronga	12
Ntlhamuxelo wa Matsralela ya Kupatsranisa.	14
Kuyaviwa ka Mapeletwana	19
Timheho ta Misava	23



Yimpi ya Mufeqani

Xihlovo: https://i.ytimg.com/vi/yu_C_K3TuyY/hqdefault.jpg

Sochangana – Musunguli wa Mfumu wa KaGaza

Tluka | 6

Sochangana avi musunguli wa Mfumu wa KaGaza, lwafumiki kuskela hi 1825 kuya ka 1858. Abelekiwi ha Zikode KaGasa na Ngubuyiya Ncayincayi kolomuka ka 1780 le KaNongoma, atikweni dzra KaZulu, Afrika wa Nyingitimu. Vito dzrakwe dzra masungulu i Manukosi, kambe agami atichula Sochangana. Ndangu wavu i waka N'qumayo (xiloso lexisukelaka ku Xizulu Nxumalo), vanga vaka Ndwandwe.

Adzaneni dzra vu19, atikweni dzra Vangoni

afa ku ni mimfumu mizrazru ya ntamu leyi afaka mitsrhama hi kulwisana: Vaka Ndwandwe, vaka Muswazi ni vaka Muthethwa. Mimfumu leyi afa mizrangeliwa hi tihosi letikulu, kunga Zwide, Sobuza na Dingiswayo, hi kulongoloka, leti afaka tikoxa mithelo ku tihosi ta mimfumu min'wana lemitsrongo. Kambe, antsrhaku ka kufa ka Dingiswayo, Chaka Zulu atlhanganisi mfumu wa tiko dzraka Zulu ni wa Dingiswayo, avumba Mfumu wa Mazulu. Kusukela ankameni wolo-wo, Chaka ayi mahlweni

ni tsuma dzrakwe dzra
kuhlasela mimfumu mi-
n'wana akuva amikhon-
zhisisa, kusungulisa xi-
svosvo nguva leytivi-
wiki svanga Mufeqani
(lesvipfelaka ku zritu
dzra Xizulu *Mfecane*).
Hosi yin'wana ni yi-

n'wana afa yilwela kute-
kela yin'wana tiko, ku-
lwiwa kutlhela kufiwa
kuku-mphu! Tihosi leti-
hluliwaka afa tipfume-
la kukhonzisiwa tiva ti-
thela minhlengo ku ti-
hosi ta kone.

Tluka | 7



Yimpi ya Chaka Zulu hi nkama wa Mufeqani. Xihlovo:

<https://theblackmalearchives.co/2022/11/21/shaka-zulu-the-mfecane/>

Nambitanu, hi ma1820-1821, Sochangana, lwa-faka ali yin'we ya tindzruna ta yimpi ta Zwide, ayalile kufumiwa ha Chaka. Loko Zwide ahluliwile ha Chaka, Sochangana atitekeli vamakwavu va mune, kunga Majole, Nghe-neya, Mpisi na Zikhata kun'we ni xitsrhungu xakwe, vakongoma atlhelo dzra le Vuxeni. Valandzreleli tinhava taka Livombo vako-ndzra vayahuma kusuhi ni nambu wa KaTembe, laha vatlhasiki vatsrhama kone kolomu ka ntlhanu wa malembe. Nkameni lowo afa vahan-ya hi kuhlasela Vazron-nga, lava vavatekeliki tihomu ni vanavu. Vana

va vanuna afa vakho-miwa lesvaku vahamba masocha, kasi va vasati afa vatekeliwa kukulisa lixaka dzra Vangoni.

Hi 1825, Sochangana aweli nambu wa KaTe-mbe akongoma N'walu-ngu ka tiko, ayahumela nambzeni wa Nkomati, laha atlhasiki atsrhama kone kuyatlhasa 1827. Hi 1828, Sochangana abi khandzra dzra Cha-ka ledzri afaka dzrizru-meliwi kuyalwa naye le Bileni. Kuvi lanu anga-chula tiko ledzri kokwa-na wakwe Gasa KaLa-nga, aku i KaGasa, vito ledzringagama dzrici-nca hi kuhlayiwa hi yen-cela dzra Xiputukezi dzrindzruluka Gaza. Hi



Kuhangalaka va Vangoni hi nkonta ya Mufeqani. Xihlovo:
<https://www.globalblackhistory.com/did-the-mfecane-lead-to-colonialism/>

ndlela leyo Sochangana asunguli Mfumu wa Ka-Gaza, laha ayiki mahlweni hi kulwa ni kukhonzhisa tinxaka ta kuhambanahambana ta Vatsonga lava afaka vahanya hi khale, va ku-

fana ni Vahlengwe, Vadzonga, Vahlave, Vanyayi ni van'wana. Sochangana afa alwela kukulisa lidzrimi ni mahanyela ya Xingoni, kambe mpatsranu wa tindzrimi ni mikhuva ya vafu-

miwa vakwe wuvangi kutumbuluka ka Xichangana ni lixaka dzra Vachangana. Xin'wana lexi akotiki kuxiyenca i kudondzrisa ni kusimeka malwela ya Vangoni yanga hi lawa Chaka afaka amatizrisa.

Loko Mfumu wakwe wuya wukula, Sochangana afumi kusukela nambzeni wa Limpopo kuya anambzeni wa Za-

mbezi atikweni dzra Musambiki, athela anhingena migangeni ya le Zimbabwe ni le Transvaal (Afrika wa Nyingitimu). Hi nkonta ya lesvo, handle ka Vatsonga, Sochangana afumi tinxaka tin'wana ta kufana ni Vandzrawu, Vaxona, Vasenga ni Vavhenda. Sochangana afeli akaya kwakwe, le Xayimithi, hi 1858.

Publicidade

Kaya Software, Lda

Somos uma empresa nacional com muita experiência e profissionalismo no ramo de Web Marketing.

PÁGINAS WEBS & LOJAS VIRTUAIS

Criamos Páginas Webs e Lojas Virtuais Responsivas de Alta Qualidade.



SGE & SGA
SISTEMA DE GESTÃO ESCOLAR & ÁGUA
Sistema De Gestão E Facturação Do Consumo De Água.



CRIAÇÃO DE APLICATIVOS
Desenvolvemos Aplicações Inteligentes, Flexíveis e Responsivas.



REDES & MANUTENÇÃO DE PC
Fazemos Manutenção de Redes, Hardware, Software e Base de Dados.



Entre em contacto!

Rua Nº 2, Cidade da Matola, Moçambique; +258 84-758-7060 / 84-774-3719; Email: kayasoftwarelda@gmail.com

Nkatsrakanyu wa Matimu ya Matsralela ya Xizronga

Tluka | 12

Matsralela ya Xizronga makazrata ngopfu nakone mapfuxi ndhokadokisanu lowukulu ni lowungagamikiki kusukela ka khale. Matsralela ya kusungula lamahatlili makhoma nkombe mavi lamaqambhiwiki hi vazrezri va kezreke dzra Missão Suíça, lava vatiseketeliki ngopfu ku mabesedi ya Karl Richard Lepsius. Mabesedi ya Lepsius afa matizrisa tinhlanga letinga ni mimfungu ya kufana ni svintsrhatana kumbe mahiko ahansi kumbe ahenhla ka tinhlanga.

Nambilesvi Bibe le dzra Xizronga dzritizisiwiki

hi kutala ka vavulavuli va Xizronga hi xipimu xa kolomu ka dzana dzra malembe, vakambisisi ni vazrezri va makezreke man'wana vatiqambheli matsralela yavu hi tlhelo, lesvi sviyenciki lesvaku kungavi na mpfumelelanu mayelanu ni matsralela lamafanaka ya Xizronga hi nkama wa kuleha svinene. Xin'we xa svivangelo sva kutsrhikiwa ka matsralela ya Lepsius i kucinca ka teknolojija, svangahesvi michini minyingi mingeke naye mimfungu ya Lepsius.

Nambisvilitanu, kusukela hi 1988, kukazri

kutizrisiwa matsralela lamaqambhiwiki hi tintivi ta tindzrimi ni vakambisisi va Musambiki, lawa mavoniwaka svanga wone ya ximfumu. Matsralela lamapsha mahambana ngopfu ni lamabuyaka na matizrisiwa hi makezreke hikusa, handle ka kutizrisa tinhlanga ta kuhambana, mapatsranisa mazritu kumbe sviyaki lesvitwisisiwaka svanga lesvivumbaka zritu dzrin'we. Vunyingi bza makezreke bzitizrisa matsralela ya kutsravukanisa kasi tintivi ta Musambiki titizrisa matsralela ya kupatsranisa. Matsralela lawo hi wone ntsena mapfumeliliwaka kutizrisiwa axikole ni le matsralweni ya ximfumu, nakone ku-

laviseliwa lesvaku na wone makezreke malandzra nawu wun'we wa matsralela.

I svinyingi svinene svikombiso sva ndlela leyi matsralela ya Xizronga mabuyaka na mangalolongoloki ha yone kusukela ka khale. Kambe hivona sviyampsa kutalela ntsena ku tinhlanga letikombisaka mimpfumawulu lemitizrisiwaka ngopfu ku Xizronga kumbe letihlawulekisaka lidzrimi ledzri. Nxaxameto lowunga hansi wuhamba nkatrakanyu wa matsralela ya Xizronga kusukela avugan'wini bza Dzana dzra ^{vu}19. Nkatrakanyu lowo wukomba matsralela ya Junod (1896), Do Valle

(1906), Farinha (1946), Quintão (1951), Nogueira (1959), Bachetti (2006), NELIMO (1989), Siteo na Ngunga (2000), Ngunga na Faquir (2012) na Ngunga et al. (2022). Svi le livaleni lesvaku ndhokadokisa-

nu mayelanu ni matsralela ya Xizronga awusigama, kambe, hi kutiseketela hi minkambisiso ya svosvinyana, hidzringisa kukomba milawu ya matsralela lamapsha hikola ka revhixta *Pfindla*.

Ntlhamuxelo wa Matsralela ya Kupatsranisa

Kusukela hi 1988, kutsrimbiwi lesvaku tindzrimi hinkwatu ta Musambiki titatizrisa matsralela ya kupatsranisa. **Matsralela ya kupatsranisa** matlhamuxela kupatsranisa sviyaki lesvi svitwisisiwaka svanga lesvi sviyencaka **zritu dzrin'we**. Minka-

ma min'wana matsralela ya kupatsranisa mapatsranisa sviyaki sva mazritu ya kuambana kambe mapfumelaka kutlhavinyetiwa mavumba zritu dzrimpsa akuva kugomisiwa sviga. Nambitanu, ku na svinyingi svingapatsranisiwikiki.

NXAXAMETO: NKATSRKANYU WA MATSRALELA YA XIZRONGA (1896-2022)

	Xitatisi xa mpfaleko amilon'wini + pf	Xitatisi xa kubuluka amilon'wini + pf	Xitatisi l xa mpfaleko ni nkhuhanu ami-lon'wini + pf	Xitatisi xa mpfaleko ni nkhuhanu antsrhaku ka vuxinyinyi - pf	Xitatisi xa kubuluka avuxinyinyini + pf	Xitatisi xa mpfaleko ni nkhuhanu xa noti ka kukhotsra lidzrimi + pf
Junod	ḃ	b'	by	tʰ	-	ḋ
Do Valle	b	-	by	tsh	-	dy
Farinha	b	b	by	tsh	-	dy
Quintão	b	b	by	tx	-	dj
Nogueira	b	-	by	tx	-	dj
NELIMO	b	b'	by	c	d'	dr
Siteo & Ngunga	b	b'	bz	c	d'	dr
Bachetti	b	b'	by	tx	d'	dr
Ngunga & Faquir	b	b'	bz	c	d'	dr
Ngunga et al.	b	b'	bz	c	d'	dzr

	Qiqo alakatsreni dzra kutiyela + pf	Xitatisi xa nkhuhlanu avuxinyinyini ni matlhelweni - pf	Xitatisi xa mpfaleko ni nkhuhlanu antsrhaku ka vuxinyinyi + pf	Xitatisi xa nkhuhlanu avuxinyinyini ni matlhelweni + pf	Xitatisi xa xinhomphu alakatsreni dzra kuwolova + pf
Junod	-	hl	dy	-	ñ
Do Valle	ggq	hl	dy	dhl	ñ
Farinha	ggq	hl	dy	-	ñ
Quintão	dl	xl	dj	-	ñ
Nogueira	-	hl	djy	-	ñ
NELIMO	ggq	hl	j	lh	n'
Sitoe & Ngunga	ggq	hl	j	lh	n'
Bachetti	ggq	hl	dj	lh	n'
Ngunga & Faquir	ggq	hl	j	lh	n'
Ngunga et al.	ggq	hl	j	lh	n'

	Qiqo dzra xinhompfu alakatsreni dzra kutiyela	Xitatisi xa mpfaleko ni nkhuhanu ami-lon'wini - pf	Qiqo alakatsreni dzra kutiyela - pf	Xitatisi ki xa nkhuhanu ni noti ami-lon'wini ni vuxinyinyini - pf	Xitatisi xa mpfaleko ni nkhuhanu xa noti ka kukhotsra lidzrimi - pf
Junod	nc	pš		š	t
Do Valle	-	py		ps	ty
Farinha	nc	py		ps	ty
Quintão	-	py		bs	ch
Nogueira	-	ps		ps	tj
NELIMO	nq	ps	q	sv	tr
Sitoe & Ngunga	n'q	ps	q	sv	tr
Bachetti	-	psw	q	sw	tr
Ngunga & Faquir	n'q	ps	q	sv	tr
Ngunga et al.	n'q	ps	q	sv	tsr

	Xitatisi lexipfumaka kutsrongo xa nkhuhlanu amilon'wini ni matinyweni	Xitatisi lexipfumaka ngopfu xa nkhuhlanu amilon'wini ni matinyweni	Xitatisi xa nkhuhlanu alakatsreni dzra kutiyela - pf	Xitatisi xa nkhuhlanu alakatsreni dzra kutiyela + pf	Xitatisi xa nkhuhlanu ni noti ka kukhotsra li-dzrimi + pf	Xitatisi xa nkhuhlanu ni noti amilon'wini ni vuxinyinyini + pf
Junod	b	v	ʃ	-	r	zw
Do Valle	b	v	sh	-	r	-
Farinha	b	v	sh	-	r	-
Quintão	b	bh	x	-	rj	-
Nogueira	b	-	x	-	rj	-
NELIMO	v	vh	x	xj	r	zv
Sitoe & Ngunga	v	vh	x	xj	rh	zv
Bachetti	v	vh	x	j	rh	zw
Ngunga & Faquir	v	vh	x	xj	rh	zv
Ngunga et al.	v	vh	x	xj	zr	zv

Kuyaviwa ka mapeletwana

Nsinya wa nawu lowutizraka hi lowu: Mapeletwana hinkwawu mafanela kuva ni xitwali xin'we nakone nhlayu ya svitwali andzreni ka zritu i yin'we ni ya nhlayu ya mapeletwana. Xitwali axifanelanga kutsravukanisiwa ni xitatisi lexixizrangelaka kumbe svitatisi lesvixizrangelaka.

Milawu ya khume ya kuyava mapeletwana

1. Peletwana dzrin'wana ni dzrin'wana dzrifanela kuyavanisiwa na dzrihelelile, sviliki, na dzrili ni xitatisi kumbe svitatisi ni xitwali xin'we.
Svikombiso: kubeka → kube-ka; kuyiva → kuyi-ya; masvekela → masve-ke-la, nsv.
2. Mazritu lamanga ni peletwana dzrin'we ntsena amafanelanga kuyavanisiwa. Svikombiso: bza, dzra, ka, ta, ya, sva, nsv.
3. Loko xitwali xili letela dzra kusungula ku zritu, xingayavanisiwa ni peletwana ledzrilandzraka. Svikombiso: asukile → a-su-ki-le; esuka → e-su-ka, nsv.
4. Svitwali svibidzri asvitsraliwi hi kulongoloka. Nambitanu, lomu kupfumeleliwaka kuyenca lesvo, xitwali xa kusungula xingahayavanisiwa

ni lexa vubidzri. Svikombiso: aatizra → **a-atizra**; maalitari → **ma-alitari**; aesuka → **a-esuka**, nsv.

5. Hakanyingi svitatisi sva Xizronga svitsraliwa hi maletela mabidzri ntsena. Xilesvo, asvifanelanga kuyavanisiwa ni xitwali lexilandzraka.

Svikombiso: bzala → **bza-la**; dledlele → **dle-dle-le**; n'anga → **n'a-nga**, nsv.

6. Svitatisi lesvitsraliwaka hi maletela mazrazru asvifanelanga kutsraliwa na sviyavanisiwile ni xitwali lexilandzraka. Svikombiso: kutsrala → **kutsra-la**; kudzrela → **kudzre-la**, tandzra → **tandzra**, nsv.

7. Loko ku ni mpfumawulu wa /h/, hinkwasvu svitatisi lesvihefemutiwaka asvifanelanga kuyavanisiwa ni xitwali lexilandzraka. Svikombiso: letela dzra <h> adzrifanelanga kutsravukanisiwa ni xitatisi ni xitwali lesvinga matlhelweni.

Svikombiso: mhaka → **mha-ka**; khokho → **khokho**; tsrhala → **tsrha-la**, nsv.

8. Loko ku ni mpfumawulu wa /w/, hinkwasvu svitatisi lesvinga ni mpfumawulu wa /w/ asvifanelanga kutsravukanisiwa ni xitwali lexilandzraka. Svikombiso: letela <w> adzrifanelanga kuyavanisiwa ni xitatisi kumbe svitatisi ni xitwali lesvinga matlhelweni. Svikombiso:

kwakwa → kwa-kwa; n'wana → n'wa-na; mu-
gqwala → mugqwa-la, nsv.

9. Loko ku ni mpfumawulu wa /j/, hinkwasvu svitatisi lesvinga ni mpfumawulu wa /j/ asvifanelanga kutsravukanisiwa ni xitwali lexipfumaka na /j/. Svikombiso, letela <y> adzrifanelanga kuyavanisiwa ni xitwali lexipfumaka kun'we na dzrone. Lesvi ngopfungopfu sviyenceka ku mazritu ya kuvolekiwa. Svikombiso: vhidyu → vhi-dyu; Azya → A-zya; sayti → say-ti, nsv.

10. Loko ku ni xinhompfu, hinkwasvu svitatisi lesvinga ni mpfumawulu wa xinhompfu /m/ kumbe /n/ asvifanelanga kutsravukanisiwa ni letela <m> kumbe <n>. Svikombiso, maletela ya <m> na <n> amafanelanga kuyavanisiwa ni peletwana ledzrinhompfuhatiwaka. Svikombiso: zumba → zru-mba; mapshinxa → mapshi-nxa; tindlela → tindle-la, nsv.

Publicidade

Kungali khale utatikumela dzraku!

Tluka | 22



Fona kumbe uwhatsapela




845188424,

utativa hi kusuhi!

Timheho ta misava

Timheho ta misava ngopfungopfu kuhlayiwa **mathelo ya mune** ya misava lemikombaka lomu moya wuhungaka na wupfa kone. Timheho ta misava tikongomisiwa hi xiyimu xa lomu dambu dzrihumaka kone ni lomu dzripelaka kone. Handle ka mune wa timheho ta misava, kutlhela kuva ni mune wa **timheho ta mathelo**, letitlhanganisaka mathelo mabidzri lawa moya wuhungaka na wusukela kone.



Svigomiso:

- | | |
|----------------|---------------------------|
| N' = N'walungu | N'V = N'walunguvuxa |
| N = Nyingitimu | N'M = N'walungumpeladambu |
| V = Vuxa | NV = Nyingitimuvuxa |
| M = Mpeladambu | NM = Nyingitimpeladambu |

Publicidade



SERVIÇOS DE TRADUÇÃO E INTERPRETAÇÃO

Garanta serviços de alta qualidade pagando menos!

Os consultores da Dumbeka, Lda., são profissionais altamente qualificados e experientes na prestação de serviços de tradução e interpretação nestas línguas: Inglês, Francês, Espanhol, Alemão, Italiano, Mandarim e Línguas moçambicanas.

Os clientes que tenham um contrato de longa duração com a Dumbeka, Lda., obtêm um desconto de 25-30% dos preços vigentes.



Tradução de documentos pessoais, certificados, contratos, procurações, etc.

Tradução de documentos técnicos e científicos

Tradução literária

Tradução de relatórios

Serviços de interpretação consecutiva e simultânea

DUMBEKA, LDA

Rua de Vundiça Nº 235,

B. Liberdade, Cidade da Matola

Celulares: 845188424/

879999269/827194852

Visite www.dumbeka.com

Email: info.dumbeka@gmail.com